

ԱԶԻԶՐԵԿՅԱՆՆԵՐԻ ԻՇԽԱՆԱԿԱՆ ՏԱՆ ՀԱՐՑԻ ՇՈՒՐՋ

ԳԵՂԱՄ ԿԻՐԱԿՈՍՅԱՆ

XIV—XV դդ. Եղվարդում և նրա շրջակայքում իշխում էին Ազիզբեկյան իշխանական տան ներկայացուցիչները։ Ազիզբեկյանների իշխանության սահմանները արևմուտքում տարածվում էին մինչև Քասախ գետը, հյուսիսում՝ Քասախ գետով մինչև Արալի լեռը, արևելքում՝ Թեղենյաց սարից բխող դետակը, իսկ հարավում՝ մինչև Նոր Գեղի և նրան հարող շրջանները։

Ազիզբեկյանների ժազման մասին հավաստի գրավոր տեղեկություններ չկան։ Ըստ Զաքարիա սարկավազի՝ Ազիզբեկյանների նախահայր Ազիզեն մի քանի այլ հայտնի վրացի անձանց հետ պատանդ է եղել Հայաստանում։ Այդ պատանդներից են առաջացել մի շարք իշխանական տներ։ Թեհենք՝ Օհանա-յանքում, Մոծակենք և Ղապոնք՝ Քանաքեռում, Ազիզբեկյանները՝ Եղվարդում¹։ Զաքարիա Քանաքեռցին գրում է, որ ինքն այս պատմությունը լսել է բանավոր պատմողներից և որ միակ գրավոր աղբյուրը, որ կարող էր հավաստել նրա գրածը, մի հիշատակարան է, որը, սակայն, երկրաշարժի ժամանակ կորել է²։ Մեծանուն հայագետ Գարեգին Հովսեփյանը Ազիզբեկյանների վրացական ժազման մասին Զաքարիա սարկավազի վարկածը համարել է առասպել և գիտական ճշմարտությունից զուրկ։ Նա գտել է, որ Ազիզբեկյան իշխանական տունը կազմավորվել է Զաքարյանների իշխանության շրջանում³։ Զաքարիա սարկավազի վարկածը ճշտելու ուղղությամբ մեր պրպտումները որևէ արդյունք չտվեցին։ Դա ևս վկայում է Զաքարիա սարկավազի վարկածի փաստազուրկ լինելը։

Ազգենաղբյուրներում Թեհենք, Մոծակենք և Ղապոնք որպես իշխանական տներ չեն հիշատակվում։ Կարևոր է նաև այն հանգամանքը, որ իրենց թողած արձանագրություններում և հիշատակարաններում Ազիզբեկյանները ոչինչ չեն հիշատակում իրենց վրացական ժազման մասին։

Ազիզբեկյանների մասին առաջին գրավոր հիշատակությունը 1318 թ. Եղվարդում գրված մի հիշատակարան է, որը Ներսես գրիչը գրել է պարոն Ազիզբեկի և նրա տիկնոջ՝ Վախախի խնդրանքով։ Հիշատակարանից իմանում ենք, որ Ազիզբեկի հայրը եղել է պարոն Ավագը, մայրը՝ Թամարը, իսկ նրա կինը՝ Վախախը, խար Ասլանի դուստրն էր⁴։ Պարոն Ավագով էլ, որը, հավանաբար, եղել է Զաքարյանների զորավարներից մեկը, թերևս սկսվում է Ազիզբեկյանների իշխանական տոհմածառը։

Ավագ Ա-ի մահից հետո իշխանական տան ներսում առաջացած խռովության պատճառով Ազիզբեկ Ա-ն իր կնոջ հետ որոշ ժամանակ ստիպված հեռացել է Եղվարդից, բայց հետո կարողացել է վերադառնալ ներքին երկպառակությունը, վերադառնալ Եղվարդ և տիրանալ հայրենի կալվածքներին⁵։ Այնուհետև Ազիզբեկ Ա-ն վերանորոգել է ավերված ավանը. «Նկեալ տեսին զբնակությունն նոցայ աւերեալ և կործանեալ, և զաւանս իւրեանց զԵղվարդ բնակութիւն

¹ «Զաքարիայ սարկավազի Պատմագրություն», հ. 3, Վաղարշապատ, 1870, էջ 43—44,

² Նույն տեղում։

³ Գ. Հովսեփյան. Ազիզբեկենք և նրանց շինարարական գործը («Բանբեր Հայաստանի պետական ինստիտուտի»), գիրք Ա—Բ, 1921—1922, էջ 178։

⁴ «Ս Դ դարի հայերեն ձեռագրերի հիշատակարաններ», կաղմեց Լ. Խաչիկյանը, Երևան, 1950, էջ 142։

⁵ Նույն տեղում, էջ 140։

աւագակաց... և վերստին նորոգեցին ըսզսայ բազում տգնութեամբ և շարաշար վրտանկաւք, մի մի ժողովել զցրուեալսն, բազում և յոլով աջխատութեամբ ծառայութիւն կատարելով մեծապառ տէրանց իւրեանց՝ մեծին Շահինշահի և եռյանդզային, և հեզարար և հնազանդարար ջրջէին ընդ նոսայ, մինչև ամենայն դիմաւք հաստատեցին զմեծ մենաստանս զՆղիվարդ, շինել զամենայն քանդեալս⁶։ Ազիդքեկ Ա-ն, ինչպես վկայում է ներսես գրիչը, քաջ զորական է եղել և մեծ համբաւ է վայելել⁷։ Նա վերաշինել է Նղվարդի ավերված ջրանցքը։ Ներսես գրիչը հաղորդում է, որ Ազիդքեկ իշխանն ուխտ է գնում Արայի լեռան հյուսիսային լանջերին գտնվող Աստվածընկալ եկեղեցին, տեսնում է հին՝ ավերված ջրանցքը, որի միայն հետքերն էին մնացել։ Հաղթահարելով տեղանքի դժվարությունները, նա վերակառուցում է այն և ջուրը հասցնում Նղվարդ ու նրա շրջակայքը։ Քասախ գետից ջրանցքն անցնում էր Արայի լեռան ժայռոտ լանջերով, որը պահանջում էր մեծ աշխատանք ու ծախսեր և, ինչպես գրիչն է պատմում, այնքան շատ էին դժվարությունները, կատարած աշխատանքը և ծախսերը, որ հնարավոր չէր գրի առնել⁸։ Ազիդքեկ Ա-ն վերաշինում է նաև Նղվարդի ս. Հակոբ եկեղեցին և նրան նվիրում շատ ապօրինի⁹։

Ազիդքեկ Ա-ն ունեցել է շուրս որդի և մեկ դուստր, նրա որդիներն էին Ավագը, Հովհաննեսը, Սարանդինոսը և Ասանթանեն¹⁰։ Ազիդքեկ Ա-ին հաջորդել է անդրանիկը՝ Ավագ Բ-ն, որն ունեցել է երկու որդի՝ Ազիդքեկ Բ և Զաքարիա։ Ազիդքեկ Բ-ն հորը հաջորդել է XIV դ. երկրորդ կեսին, որը պարզվում է 1367 թ. Բջնիում Մանվել Ա եպիսկոպոսի գրած մի գանձի բովանդակությունից։ Նա նշում է, որ ինքը ժամանակակից է եղել Ազիդքեկ Բ-ին, որին նաև կոչել են Նղվարդյան։

«Իսկ մերձաւորն իմոյ արեան,
Զմեծն Ազիդքեկ Նղիվարդեան,
Ու Ասքն որդի եւ Զաքարայն,
Եւ ըզթոռնունքն իւր միաբան»¹¹։

Մանվել Ա եպիսկոպոսը այսպես է գրել իր և Ազիդքեկ Բ-ի ազգակցական կապի մասին։ Հասկանալի է, որ նա նկատի ունի Ազիդքեկ Բ-ին, քանի որ, ինչպես տեսանք, Ազիդքեկ Ա-ն ուներ շուրս որդի՝ Ավագ, Հովհաննես, Սարանդինոս և Ասանթանեն, իսկ Ազիդքեկ Բ-ի որդիներն էին Ավագը և Զաքարիան։

Ազիդքեկ Բ-ն և իր որդի Ավագ Գ-ն կրթական գործի մեծ հովանավորներ էին ու պատահական չէ, որ XIV դ. վերջին և XV դ. սկզբին Նղվարդը դարձել էր կրթական կենտրոն, ուր լայն գործունեություն էր ծավալել Սիմոն վարդապետ Այրիվանեցին։ Նա Նղվարդում գործել է 10 տարի՝ 1394—1404 թթ.¹²։ Սիմոն վարդապետը զբաղվում էր ոչ միայն մանկավարժական գործունեությամբ, այլև իր աշակերտների հետ ընդօրինակում է տասնյակ ձեռագրեր։ Ազիդքեկ Բ-ի մահից հետո Սիմոն վարդապետի սկսած գործը հովանավորեցին նրա որդիները՝ Ավագ Գ-ն և Զաքարիան, իսկ նրանց մահից հետո՝ Մանվել Գ-ն՝ Ավագ Գ-ի որդին¹³։ Որ, իրոք, Ազիդքեկյանները հովանավորում և նյութապես օժանդակում էին դպրոցական գործին և ձեռագրեր գրելուն, վկայում են մի քանի ձեռագրերի հիշատակարանները։ Այսպես, 1318 թ. մի հիշատակարանում ներսես գրիչը խոսում է նաև այն հոգատարության մասին, որ իր նկատմամբ

6 Նույն տեղում։

7 Նույն տեղում, էջ 139.

8 Նույն տեղում, էջ 141։

9 Նույն տեղում։

10 Նույն տեղում, էջ 142։

11 «Բանբեր Հայաստանի գիտական ինստիտուտի», դիրք Ա—Բ, էջ 204։

12 Գ. Հովսեփյան, Նշվ. աշխ., էջ 195։

13 Նույն տեղում։

ցուցաբերել են Ազիզբեկ Ա-ն և իր կին Վախախը¹⁴։ 1444 թ. Այրիվանքում զորաված հիշատակարանում գրելը Սիմոն վարդապետի գործունեության մասին պատմելիս գրել է. «Նախ բնակեցաւ յաստուածաշէն և ի տիրախնամ գեղն Ծղիվարդ, ի փոքր վանս, որ ի մէջ գեղին, և բազում արդիւնս արարեալ անդ ի խնդրոյ աստուածասէր և բարեպաշտ, մեծազգի և փառաւոր, աղքատասէր, ազատածին առն Ազիզպէկին և որդւոց նորին՝ Աւագին և Զաքարիային։ Բազում կրօնաւորս և աշակերտեալ մանկունս եկեղեցւոյ ժողովեալ յուսուցանել զհինն և զնոր մատեան աստուածաշունչ գրոց, զսուրբ և զարտաքին փիլիսոփայութիւն՝ ամս տասն»¹⁵։

Ազիզբեկ Բ-ն իշխել է մինչև XIV դ. վերջերը. համեմայնդեալ նա կենդանի էր մինչև 1394 թ., երբ այստեղ իր մանկավարժական գործունեությունը սկսեց Սիմոն վարդապետը։ Ավագ Գ-ն ամենայն հավանականությամբ հորը հաջորդել է XV դ. սկզբին։ Նման ենթադրություն անելու հիմք է տալիս վերը բերված հիշատակարանը, ուր, ինչպես արդեն տեսանք, ասվում է, որ Սիմոնի գործունեությունը Ծղիվարդում հովանավորում էին Ազիզբեկ Բ-ն և իր որդիները՝ Ավագն ու Զաքարիան։ Տեսանք, որ Սիմոն վարդապետը Ծղիվարդում գործել է 1394—1404 թթ.։ Հետևապես Ավագ Գ-ն 1404 թ. առաջ է հաջորդել հորը։ Թե մինչև երբ Ավագ Գ-ն վարեց իշխանությունը և ինչպիսի գործունեություն ծավալեց, այդ մասին սկզբնաղբյուրներում դեռևս հիշատակությունների չենք հանդիպում։

XV դ. առաջին կեսին Ազիզբեկյաններին վերաբերող միակ գրավոր տեղեկությունը Ազիզբեկ Բ-ի կրտսեր որդի Զաքարիայի՝ 1425 թ. Հովհաննավանքում թողած արձանագրությունն է՝ գրված Մուղնի գյուղը գնելու և ս. Կարապետ վանքին հողամաս նվիրելու կապակցությամբ։ Ահա այդ արձանագրությունը. «ԹՎ. ՊԶԴ/ կամաւն անմահին Այ. ես Զաքարիա թռոյն Գամրիկէին եւ որդի պար Ազիզբեկին/ գնեցի զգեղն Մուղնի հալալ յարդեաց իմ/ոց։ Սբ. Գէորգայ մուտքն սբ. Կարապետի/ս էր, զիմ բաժինն էլ սբ. Կարապետիս տվի/ յիշատկ ինձ և ծնողաց իմոց»¹⁶։ Հավանաբար, 1425 թ. առաջ Ավագն արդեն մահացել էր։ Հակառակ պարագային Զաքարիան նրա անունն արձանագրությունում կը հիշատակեր որպես իր մեծ եղբոր և տան ավագի։ Կարծում ենք, որ 1425 թ. մինչև 1450-ական թվականները իշխանությունը վարել է Զաքարիան։ Գ. Հովսեփյանը հիշյալ արձանագրության մեջ հիշված Զաքարիային Ազիզբեկ Բ-ի որդի համարելն անհիմն կասկածի տակ է առնում¹⁷։ Սակայն բանն այն է, որ Գամրիկելը, ինչպես ճիշտ նկատել է Գ. Հովսեփյանը, Վաչուտյաններից է և Զաքարիայի պապը մոր կողմից¹⁸։ Նվ քանի որ Մուղնի գյուղը գտնվում էր Վաչուտյանների իշխանության տակ, որոնցից Գամրիկելը Զաքարիայի պապն էր, ապա արձանագրության մեջ նա հիշվում է որպես տեղի իշխաններից մեկը։

Զաքարիայից հետո Ազիզբեկյանների մոտ ևս աշխարհիկ իշխանություն իր դիրքերը զիջել է հոգևորին։ Այստեղ էլ կրոնական վեղարն էր, որ պետք է զորավիգ լիներ հայ ֆեոդալներին՝ իրենց ունեցվածքը փրկելու մահմեդական նվաճողների ընդաքաղցությունից։ Օրեցօր սաստկացող այս վտանգն էր պատճառը, որ Ազիզբեկյան իշխանական տան մեջ XV դ. երկրորդ կեսից սկսած վեղար կրողներն ավելի մեծ հեղինակություն ու դիրք էին ձեռք բերում։

Ազիզբեկյան ֆեոդալական տան իշխանությունը XV դ. երկրորդ կեսից մինչև դարի վերջը վարում էր Ավագ Գ-ի որդին՝ Մանվել արքեպիսկոպոսը,

14 «ԹՎ դարի հայերեն ձեռագրերի հիշատակարաններ», էջ 142։

15 «ԹԾ դարի հայերեն ձեռագրերի հիշատակարաններ», մասն Ա, կադմեց Ն. Խաչիկյան, Երևան, 1955, էջ 561։

16 Կ. Ղաֆադարյան, Հովհաննավանքը և նրա արձանագրությունները, Երևան, 1948, էջ 102։

17 Գ. Հովսեփյան, Նշվ. աշխ., էջ 196։

18 Նույն աեղում։

որը հայտնի է Մանվել Գ անունով: Նրա մասին առաջին գրավոր հիշատակությունը վերաբերում է 1452 թ.: Այս թվականին Մանվել Գ-ն մի երգարան է գնել, որի հիշատակարանում հաղորդում է, թե ինքը պարոն Ավագի որդին է, պարոն Ազիզբեկի թոռը¹⁹: Մանվել Գ արքեպիսկոպոսի մասին հաջորդ տեղեկությունը տալիս է Մաթևոս գրիչը՝ 1464 թ. Նղվարդում գրած մի ձեռագրի հիշատակարանում. «Արդ, գրեցաւ սա ի գաւառիս Արարատեա, ի գեղաքաղաքիս Նղիվարդ... յառաջնորդութեան տեղւոյս տէր Մանուէլի արհեպիսկոպոսի, որդի պարոն Ավագի և թոռ պարոն Ազիզբեկին»²⁰: Ինչպես պարզվում է հիշատակարանի բովանդակությունից, Մանվել արքեպիսկոպոսը հովանավորել և օժանդակել է Մաթևոս գրիչին՝ ձեռագրեր ընդօրինակելու գործում: Մաթևոս գրիչը, որը Նղվարդում լայն գործունեություն էր ծավալել, 1465 թ. Ազիզ անունով մի կնոջ համար գրագրել է մի ավետարան, որի հիշատակարանում հիշատակված է նաև Նորգեղի տանուտերերին²¹: Սրանք Գ. Հովսեփյանի են՝ թաղութայն կամ ազգակցական կապ ունեին Ազիզբեկյանների հետ, կամ նրանց ենթակա ազնվականներից էին²²: Սակայն մեր կարծիքով, եթե Նորգեղի տանուտերերը Ազիզբեկյանների ազգակիցը լինեին, ապա այդ մասին գրիչը անպայման կհիշատակեր: Ընդունելի է Գ. Հովսեփյանի այն միտքը, որ Նորգեղի տանուտերերը վասալական կախման մեջ էին Ազիզբեկյաններից: 1469 թ. գրված մի ձեռագրի հիշատակարանում Մանվել Գ արքեպիսկոպոսի հետ հիշատակված է նրա եղբայր Բեշքենը²³: Գ. Հովսեփյանը վերապահություններ է ընդունում սրանց եղբայր լինելը և ենթադրում է, որ Բեշքենը կարող է Օրբելյաններից լինել²⁴: Սակայն տարակուսելու տեղիք չկա, մանավանդ, որ գրիչը Մանվելի և նրա եղբոր կապակցությամբ գրում է. «յառաջնորդութեան վանիցս նմին տէր Մանուէլի և եղբարն Բիշքէնի»²⁵: Այս նույն Բեշքենը Հովհաննավանքում թողել է մի արձանագրություն, որում չի նշում իր տոհմական պատկանելությունը, սակայն մեր խորին համոզմամբ, եթե նա Օրբելյան տոհմից լիներ, ապա անպատճառ կնշեր այդ հանգամանքը: Մինչդեռ նա բավարարվել է հետևյալով՝ «Մը պատար/ագողք Քի զԲեշքեն եւ/ ծնողսն/ իւր յիշեցեք ի Քս. ամէն»²⁶:

1469 թ. Նղվարդում գրած ձեռագրի հիշատակարանում գրիչ Մաթևոսը հայտնում է, որ ինքն այն գրել է Նղվարդում՝ տեր Մանվել եպիսկոպոսի համար, նրա առաջնորդության ժամանակ²⁷: Մանվել Գ-ն 1471 թ. Նղվարդի եկեղեցում արձանագրություն է թողել ս. Աստվածածնին՝ Աշտարակում այգի և ջրաղաց նվիրելու կապակցությամբ. «Եւ Մանուել եպիսկոպոս որդի պարոն Աւագին, թոռն պարոն Ազիզբեկի, ետու զիմ այգին Աշտարակ, որ է Ազիզեան, եւ ջաղաց իմ, որ է տէղն բնական վանիցս, եւ հաստատեցի սբ. աստուածածնիս՝ թվ 28 (1471)»²⁸: Մանվել Գ Ազիզբեկյանի մասին վերջին տեղեկությունը

19 Նույն տեղում:

20 «ԺԵ զարի հայերեն ձեռագրերի հիշատակարաններ», մասն Բ, կազմեց Լ. Խաչիկյան, Սրբան, 1958, էջ 215:

21 Նույն տեղում, էջ 232:

22 Գ. Հովսեփյան, նշվ. աշխ., էջ 197:

23 Ղ. Ալիշան, Այրարատ, Վենետիկ, 1890, էջ 198:

24 Գ. Հովսեփյան, նշվ. աշխ., էջ 197:

25 Ղ. Ալիշան, Այրարատ, էջ 198:

26 Կ. Ղաֆադարյան, նշվ. աշխ., էջ 79: Արձանագրությունը թվական չունի, Կ. Ղաֆադարյանը այն վերագրել է XIII դարին: Կարծում ենք, որ արձանագրությունը թողել է XV դ. ևրկրորդ կեսին ապրած Ազիզբեկյան Բեշքենը:

27 «ԺԵ զարի հայերեն ձեռագրերի հիշատակարաններ», մասն Բ, էջ 283:

28 Կ. Սասունյան, Վիմական տարեգիր, Ս. Պետերբուրգ, 1913, էջ 173, 2. Շահաթոսյան, Ստորագրություն Կաթողիկե էջմիածնի և հինգ գաւառացի Արարատայ, Կ. Բ, էջմիածին, 1842, էջ 126:

հաղորդում է գրիչ Վրթանես կրոնավորը Արարատյան գավառի Ուրց անապատում՝ 1491 թ. գրած ձեռագրի հիշատակարանում²⁹:

XV դ. վերջից մինչև XVI դ. երկրորդ կեսը Ազիդրեկյանների մասին սկզբնաղբյուրներում հանդիպում են կցկտուր տեղեկություններ, որոնք, սակայն, առայժմ հնարավորություն չեն ընձեռում ուրվագծելու ֆեոդալական այս տան ներկայացուցիչների հետագա գործունեությունը: Ինչպես վերն ասվեց, Ազիդրեկյաններից էին Բջնիի Մանվել Ա և Մանվել Բ հպիսկոպոսները: Մանվել Ա հպիսկոպոսի մասին առաջին տեղեկությունը գտնում ենք 1367 թ. Սանահնում գրված մի շարականոցում: Մանվել Ա-ն գրել է գանձեր, որոնցում տեղեկություններ է հաղորդում իր պապի, ժնոդների և Ազիդրեկ Բ-ի հետ նրանց ունեցած ազգակցական կապի մասին: Նա գրում է, որ իր հայրը՝ Շապուհը՝ սերում է ազատ տոհմից.

«Մանուէլ զհամբակս այս անարժան,
 Եպիսկոպոս տրուպս անպիտան,
 զաշորդ Բըշնոյ ու Արարադան,
 Եվ Վիրապին սը զտեղապան:
 Այլ եւ ըզիմն ածանման,
 Զտեր Վանական Արհիական
 Որ կայ տըքնեալ այժմ ի տապան,
 Յիշեք յաղաթըս մաքրական:
 Նա եւ առնէք յիշման արժան,
 զմեր մարմնական զժընողքն արեան,
 զհայրն իմ Շապուհ յաղատ տոհմեան,
 զմայր իմ Զանխաթուն բարի անւան,
 Ու որք քան զսոքա յառաջեալ կան:
 զպապ անուանելըն մեր բնական
 զթային Արշուկ Զաքարիայն
 Քրիստոս հանգլի հոգիս նոցայն:
 Իսկ մերձաւորն իմոյ արեան,
 զմեծն Ազիդրէկ Եղվարդեան,
 Ու Աւաքն որդի եւ Զաքարայն,
 Եւ ըզթոռնունք իւր միաբան,

Այլեւ յիշեմ ըզմանկական,
 զեղբարւ որդիքն իմ ծիածան
 զփոքրն Սարգիս զմեծ Զաքրյն,
 Որ կու փայլեն ըստ հարցն անուան

Թվիս ութ հարիւր եւ վեցտասան,
 Մրեալ եւ ծաղկեալ այս բուրաստան,
 Յովհաննիսի գրլի ձեռամբս³⁰:

Մանվել Ա-ին Հովհաննես գրիչը հիշում է «Մանուէլ Գերհուլակեալ» անունով, որն ունեցել է հզոր իշխանություն՝ «Իշխան եւ իշխեցող ի վերայ երկոտասան վիճակաց» և մեծ հեզինակություն: Մանվել Ա-ն հմուտ է եղել փիլիսոփայության մեջ և հորինել է երաժշտություն³¹: Այս ամենը վկայում է, որ նա եղել է ժամանակի զարգացած մարդկանցից մեկը: Մանվել Ա-ն մահացել է 1368 թ.՝ Այս թվականին Սանահնում գրած ձեռագրի հիշատակարանում Մելիքսեթիկ

²⁹ Տե՛ս «ԺԵ դարի հայերեն ձեռագրերի հիշատակարաններ», կազմեց Լ. Ս. Խաչիկյան, մասն Գ, Երևան, 1967, էջ 170:

³⁰ Գ. Հովսեփյան, Նշվ. աշխ., էջ 203—205:

³¹ Նույն տեղում:

ծաղկողը հայտնում է. «Յիշեցէք ի մաքրափայլ եւ յերագընթաց յաղօթս ձեր զստացող գրոցս զտէր Մանուէլ, որ ստացաւ զսայ հալալ յարդեանց յիշատակ իւր եւ ծնողաց իւրոց, եւ ի կատարել գրոցս գրելով ինքն փոխեցաւ առ Քրիստոս»³², Ն. Ակինյանը գտնում է, որ այս հիշատակարանը գրվել է 1428 թ.: Այս կարծիքն ընդունելու դեպքում շփոթ է առաջ գալիս Մանվել Ա-ի և Մանվել Բ-ի անձերի շուրջը: Մեր կարծիքով վերը վկայակոչված ձեռագիրը Սանահնում 1367 թ. Մանվել Ա-ի պատվերով ընդօրինակել է Հովհաննես գրիչը և ծաղկել է Մելիքսեթեկը: Նման եզրահանգման գալու համար մեզ կոչան են ծառայել հետևյալ փաստերը: Նախ, 1367 թ. Մանվել Ա-ի ստացած գանձում հիշվում են նրա եղբոր որդիները՝ Սարգիսը և Զաքարիան³³, Սանահնում ընդօրինակված Աստվածաշնչում ևս Սարգիսն ու Զաքարիան հիշվում են որպես Մանվելի հարազատներ. «Զամենաիմաստ եւ զերշանիկ արքեպիսկոպոսն զտէր Մանուէլ, զմեծափափակ տենչամբ ցանկացող զԱստուածաշունչ տառիս, հանդերձ հարազատվքն իւրովք՝ Զաքարիաի և Սարգսի աղայնմ յիշել ի Տէր»³⁴, Գրիչը նկատի ունի խնդրո առարկա Մանվել Ա-ին և նրա եղբոր որդիներին՝ Սարգսին և Զաքարիային: Այնուհետև Մելիքսեթեկ ծաղկողը հայտնում է, թե այդ թվականին Մանվելը մահացել է, իսկ Աստվածաշունչը մնացել է տեր Հովհաննեսի ձեռքում, որը մանուկ էր «հասակաւ եւ լի ամենայն առաքինութեամբ»³⁵: Այստեղից հետևում է, որ 1367—1368 թթ. հիշատակարաններ և գանձեր գրող Հովհաննեսը չէր կարող 1428 թ. լինել հասակով մանուկ: Որ իսկապես այդ հիշատակարանը գրվել է 1368 թ., ապացուցում է նաև Մելիքսեթեկ ծաղկողի չափածո հիշատակությունը՝

«Առնել յիշման զիս արժանի,
 Զմեղսամակարթս յոյժ եղկելի
 Զմելիքսեթեկ վա[տ]թարս, մեղօք ի լի,
 Որ եմ ծաղկող այսմ տառի,
 Նայ եա էր թիւն տումարին
 Ութհարիւր հայկեան ազգին,
 Տինայ է տասն յաւելուածին,
 Այլ եա եաթն շարամանին»³⁶,

Այսինքն՝ $800 + 10 + 7 = 817 + 551 = 1368$. այս թվականն են ընդունել Հ. Տաշյանը, Գ. Հովսեփյանը և Լ. Խաչիկյանը: Այդ կարծիքը վերը բերված փաստերի հիման վրա համարում ենք ճիշտ և ընդունելի: Ն. Ակինյանը այս թվականը կարդացել է $800 + 10 + 7 = 817 + 551 = 1368$, այսինքն՝ $800 + 70 + 7 = 877 + 551 = 1428$ ³⁷, «Տինայ է տասն յաւելուածին» տողում «է»-ն մեր կարծիքով օժանդակ բայն է, որը, սակայն, Ն. Ակինյանը կարդացել է 7, ապա բազմապատկելով 10-ով ստացել է 70, որը ճիշտ չէ: Այս ամենից հետո կարելի է եզրակացնել, որ Մանվել Ա-ն մահացել է 1368 թ.:

Մանվել Ա-ին հաջորդել է Վանական Գ-ն, որի միայն մահվան թվականն է մեզ հայտնի: Թ. Մեծոփեցին ու Գ. Խլաթեցին հայտնում են, որ 1387 թ. Լանկ-Թամուրը գրավեց Բջնին և սպանեց Վանական եպիսկոպոսին³⁸: Վանական Գ-ից հետո Բջնիի եպիսկոպոսական աթոռը նորից անցնում է Ազիզբեկյաններին, և

³² «ԺԴ դարի հայերեն ձեռագրերի հիշատակարաններ», էջ 484:

³³ Գ. Հովսեփյան, նշվ. աշխ., էջ 204:

³⁴ «Հանդես ամսօրյա», 1958, էջ 373:

³⁵ Նույն տեղում, էջ 372:

³⁶ «ԺԴ դարի հայերեն ձեռագրերի հիշատակարաններ», էջ 48:

³⁷ «Հանդես ամսօրյա», 1953, էջ 374:

³⁸ «Պատմութիւն Լանկ-Թամուրայ և յաջորդաց իւրոց արարեալ Թովմայ վարդապետի Մեծոփեցոյ», Փարիզ, 1860, էջ 19: «ԺԵ դարի հայերեն ձեռագրերի հիշատակարաններ», մասն: Ա, էջ 275:

Բշնիում 1388—1390 թթ. միջոցին եպիսկոպոս է դառնում Մանվել Բ Ազիզբեկյանը։ Մանվել Բ-ի մասին առաջին հիշատակությունը վերաբերում է 1406 թ.։ Ն. Շնորհալու «Հնդհանրականի» 1294 թ. ընդօրինակած ձեռագրի վերջում Մանվել Բ-ն 1406 թ. գրել է. «Ջանրաժս ի բարեաց եւ զանչեղս ի շարեաց զհանդիպողս այսմ հայրենական եւ կանոնական սահմանադրութեանս, զտէր Մանուէլ նուաստ եպիսկոպոս Բրշնոյ եւ Այրարատեան նահանգի, յիշեսցիք ի մաքրափայլ յաղօթս ձեր... թվ. ՊԾԾ» (1406)³⁹։ Մանվել Բ-ի անվանը հանդիպում ենք նաև 1414 թ. Օշականում գրված մի ճաշոցի հիշատակարանում. «... յիշեսցիք ի Քրիստոս ըզտէր Մանուէլն արհեպիսկոպոս Բրշնոյ եւ Արարատեան, և զտէր Յովաննէս, որք բազում աշխատութեամբ աւգտակարք եղեն աստուածաշունչ տառիս...»⁴⁰։ Թե մինչև երբ ապրեց Մանվել Բ-ն և ինչպիսի գործունեություն ունեցավ հետազայում, առայժմ դժվարանում ենք ասել։ Ն. Ակինյանը գրում է, որ Մանվել Բ-ն մահացել է 1426—1427 թթ. միջոցում⁴¹, սակայն, ինչպես վերը տեսանք, դա հիմնավոր եզրակացություն չէ։

Այսպիսով, Ազիզբեկյանները XIV—XV և հետագա դարերում իշխում էին Եղվարդում. նրանք իրենց ձեռքն էին վերցրել նաև Բշնիի եպիսկոպոսությունը, և եթե XIV դ. իշխանական տունը աչքի էր ընկնում Արևելյան Հայաստանի քաղաքական կյանքում, ապա XV դ. թուլացել էր, և դարի երկրորդ կեսից նրա կառավարումն անցել էր հոգևոր առաջնորդներին։

К ВОПРОСУ О КНЯЖЕСКОМ ДОМЕ АЗИЗБЕКЯНОВ

ГЕГАМ КИРАКОСЯН

Резюме

Сопоставительным изучением письменных первоисточников уточняется история княжеского рода Азизбеянов в XIV—XV вв., выявляются их деятельность в области строительства и культуры.

В XIV—XV вв. Азизбеяны правили в Егварде, в их руках находилось также епископство в Бджни. Если в XIV в. княжеский дом занимал видное место в политической жизни Восточной Армении, то в XV в. он постепенно теряет свое влияние и со второй половины этого столетия правление им переходит в руки духовных предводителей.

³⁹ «Հանդես ամսօրյա», 1958, էջ 372—373.

⁴⁰ «ԺԾ դարի հայերեն ձեռագրերի հիշատակարաններ», մասն Ա, էջ 162.

⁴¹ «Հանդես ամսօրյա», 1958, էջ 374.